

皇清文穎續編

皇清文頴續編卷十六

七

七徵

莊承錢

乘輅使者于役青兗復

命鑿閭時

皇帝四舉上

陵之典

六飛在途

東巡之禮蔽望

北鎮而

鑾紆有扈

蹕儀曹過之使者揖而言曰子有樂於扈

遊

叶

乎願聞高譚於

盛軌將以次受而臚焉儀曹曰禕矣茂矣古罕儔

叶

矣鑠矣融矣難究詞

叶

矣試簪毫以吮墨請更僕而

停騶

叶

吾爲子述子爲吾歌若乃

天作喬嶽

皇啟亨衢有徼其道有歸其臺

叶

昔龍堆而雁塞今

紫縣與黃圖經一州之豐壤攬二縣之上腴遂

行稼而

觀穫爭刈熟而斂疏欣

降康之有兆各夢協於維魚紛紛節節之必路噎老稚
以攜扶

聖主方展期而奏爽因緩頓而周諏

叶

輕正供之全

免陋給復而蠲相

恩有加而必渥

禮大備而如初晏粲兮老邊之二綫廣輪兮千里而
有餘漢拓畿於六葉周誇膺於一茶第較隆而絜盛
曾何足以相侔叶於是肅肅習習匪疾匪徐鳴鸞嘒嘒
嚳駕龍銜銜自欒而瀋以至於

舊都使者曰

二京之望

幸又歲星五周

叶

矣子言其大者厥禮何如

儀曹曰於昭我

清台撰

穹昊高辛高陽太皞少皞代生

聖神眡古猶眇遺甲十三乃殺乃破者定

戰功式廓

王造建

太室之一宮爰禪京而宅鎬陳嘉猷兮柔恡薦猷

今清醪積奕葉之熾昌邁

來帛之纘紹藤瑞應於河源仰

德歆於秬草

聖主命典瑞以鑄成選邠人之地寶既增輝於鉅牀
周尊藏夫華藻會駟馬於載塗導

鑾輿而汎掃蒿柱茅茨昔焉祠禱黼構璿除今焉瞻
眺羣祥烟之遍空鬱紫雲而旋繞珍

九廟之所弄綿萬禩而永葆使者日此以徵

謨烈之詒久而光昭

上聲

儀曹曰東壁之光粲於龍尾

祕閣斯聳層櫨爰峙溯澗同稱

奎文作記

叶

文寓簡編所存者理如日中天

心傳在此惟

聖主之右文兼堯舜而與偕

叶

旣

繼序之不忘復

念典而無怠緬

光宅於陪京憶

文明之肇起乍偃伯之戎衣卽釋奠於璧水創

雲穗之國書備傳宣於

詔旨聚文館之英髦譯

翔鳳之書史際百年而後興乃

化成於悠久

叶

會四庫之畢功先七所而從事

叶

迨

雲構之落成蓬

翠華之莅止禪五嶽而佐三辰插縹緗而羅錦綈倬

械樸之材蔚興菁莪之治就理精則道契淵源猶
文讐魚豕奚蘭臺之足稱況荀簿之徒紀使者曰此
以徵

聲教之敷久而斐亶

儀曹曰

大東左右巨水襟環渾來千里遼有雙源江安流於
粟末海帖浪於涯垠總茲培乎

福壤並演濶夫畿甸

叶

聖主乃特祠以報酬奉

成命於前巡衍靈長於一脈昭胖饗於千春或升香
於高阜或獻爵於重闈或遣吉林之告祭或正濟源
之明禋迓

霓旌之四詣奉

屬車之清塵共薌其之飫沃同酒醴之苾芬分灌輸
於田畝奏猶翕於神絃瀆鬼川祇効靈而趨走谷王
海若揚職而後先下逮東梁之水利濟之川莫不穡

我

王委沃我周原使者曰此以徵

懷柔之徧久而彌惇

儀曹曰

國懋洪伐

帝疇嘉庸雲臺烟閣之像

頌璜析珪之封享

殿廷而必與陪

陵闕而相從希風牧之一德許稷契之匪躬溯

開基而佐

命尤拓土而抒忠

聖主聽鼓鼙而思將銘彝鼎而念功式斧堂之邱壟
邀

奠醑於愬與因推

恩於苗裔垂帶礪於無窮至若本支之戚屏翰之尊

叶

元祀篤弼周疆以宗共艱辛於百戰借彪炳於

一戎或宥在而復爵或賞延而承寵叶萃賢藩於京

邑乃侑祠之特興叶慶間平之合食偉褒鄂之圖容

風受饗而颺颺來功臣之蹈舞車扈隨而輶輶兆

國祚之永隆豈不動昭融於契合感呵護於

時乘叶使者曰此以徵功載之叙久而彌崇

儀曹曰商都北亳維河景員去聲周遷西幽夾於二澗

藩京之築

嵩基是建海拱山環上游疆幹粵自古初未篤

天眷臨洮起秦元菟築漢唐統安東句麗以竄遼金
五京三韓斯煥明置指揮設衛亦僅翼羅四城中山
所贊邑邑都都於

今乃見塞有候人邊閉以晏會共享夫牧寧而遽忘

於修繕營大役於無爲豫巨防於無患紓民力以五

年展土功於三限

叶

轟麗譙之崔嵬迥峻堞之千萬

形抱隰而縈原勢崢嶸而峭岸儼參塗而夷庭復通
闔而帶閭任弋山而漁澤咸獸依而魚牧貂夸豐於

挹婁楷較勁於肅慎爭機杼而貢琛競梯山而納賁
喜屏障之一新際金湯之重煥使者曰此以徵佚道
之民久而益勸

儀曹曰過矣樂浪作藩瀛裔戴切近

光榮同陪位君允傳恭臣知職勩祝

壽億齡呼

嵩萬歲同我鸞鸞率破魑結跨險瀆以來賓自真蕃
而奉使輕千里而齎持閱九秋而匪懈

聖主褒恭順之有恒勉忠貞之能贊煥

宸翰於日星燦

睿文於世守

叶

俾殷道之俗知中國之

聖人衛滿之都頌

壽祺之

天篤

叶

他如札薩遊蕃戚畹勲貴韞幕偕來璫裘畢

至譬鱗集以仰流如麋羣而悉萃望

鳳蓋之歲蕤訢

龍旂之郅偈際

天閭之洞開瞻

雲罕之四莅隨有繹於會同循

訓言於輯瑞莫不凜虞芮之履庭懼防風之獲戾使
者曰此以徵遠人之柔久而漸被

儀曹曰亶亶我

皇烝烝追孝

叶

翹心孔殷羨思倍篤蔚爲

篇章溢於卷軸辭纚纚而洋洋思悠悠而翼翼璿璣

習而愈親迹彌彰而彌熟優有見而愜有聞存以愛而著以懋大

謨烈之

顯揚垂

法守之卓犖

聖訓備而嘉言彰後昆裕而

前光迪

叶

阜帳綈衣之慕詠歎而有餘唐弓夏服之

觀惻愴而不足陳幽風而韻凡幾疊寧忘賽斐羅丹

紀德產而美不勝收奚止黃參綠玉於是葉
四舉以編排仍分年以繕錄畀雲初以

家法之良

詒子孫以君子之穀相與憬然悟

帝業之艱難而怵然謹

皇圖之續續使者曰大矣哉

文至矣哉

德此則

至誠不息之徵所以悠久相勗者也聞止於斯矣子
又何告敬獻歌曰

孝治昌兮通

神明叶兮崇本重舊萬葉光兮又賡載歌曰五雲翔

兮

山蒼蒼兮

祚流行兮

福滂洋兮

七觀

覺羅桂芳

皇上御極之十年諏吉戊撫楨庚循

四巡之盛軌享

三陵以精誠齋心凝神肸蠁太清挹祥

神臯延釐億齡三輔大稔迄於東瀛禾黍油油九穗
一莖禮成歡洽民大和樂飲衢咏德中外頌作則有
芝館庶士謁銀潢未胄而有請曰幸與子遘重熙景
懃鏤簪赤管於石渠習柱史之舊學值

聖人舉上儀禮

珠邱子以世僕在講官之列扈

黃幄於福壤奉清塵於

宸遊屬車載筆見聞較實斗柄轉而雷動

絲言布而雲霽景

孝德之休光瞰扶桑於初出請道鉅觀之萬一證典
禮於前帙廣弇鄙於後進俾載筆之有述可乎銀潢
未胄曰依赤輪之景者知其溫不能繪其光也臨滄

解之流者知其富莫能窺其藏也

國家受景篤祐源遠流長

天女降輶朱果發祥締造經營雨沐風櫛

列聖作求繩繩奕奕

高宗純皇帝加勞勗勤闢地二萬餘里繼序追遠歸
功

佑啟四幸粉榆

孝思無已

今上心畫籌幾神樞運紀法

考綏猷

陟庭尺咫往者曾從

六龍而謁

神宇親睹

薦馨誠達禮舉閱二十三年而規成則踐

帝武萬駟雲同千乘風從綿邈幽館崢嶸

闕宮煌煌儀備翼翼意通御福錫福歡聲震空其澤

如春其濡如雨其清明而廣大如乾端坤倪貫上下
與今古豈捫燭測蠡之見所能鋪陳而揚詡哉庶士
曰子得觀於

盛典願有以廣我也

於時銀潢末胄正襟改容盥手抽牘而有述曰居華
胥於雷澤誕庖犧於成紀生重華於諸馮育炎帝於
姜水降神孕奇地詳前史況我

大清之始基也孚出震之占受承乾之籙下荒大東

上應析木光垂雲漢勢維地軸總川陸之隩區收幽
并之全局

啟運之山萬峯所宗

天柱

隆業鬱鬱葱葱

靈佑旣集王氣以鍾長白橫亘千里川源滙焉小者
爲河大者爲海鳴綠溶溶東注天外渾河混同如襟
如帶

太祖

太宗規矩方圓披荆作宅環山與川

興京始作

盛京次遷表裏深厚規制宏遠億載根本丕基

天建

鑾輅新莅地祇來會嶽呼水朝祇謁

行在一勺皇澗一隅舊豐瞻言遼瀋包垓控紘可以
觀形勢之雄矣庶士曰願更有進也

銀潢末胄曰

橋山靈淑磅礴鍾奇土沃泉甘華實繁滋徑寸之珠
三楹之稜實萃於斯物產之美見於

高宗純皇帝聖製之賦者殆張華郭璞之博物所不
能知荆揚雍豫之州吳越楚蜀之國產豐者心習於
侈地腴者業窳於逸維我兩京尙勤返樸思居瞿瞿
有陶唐氏之遺躅焉女修織紉男務耕耘抑工商之
末業惟僭僞而歸真周斐賽斐施函額林物不傷財

利用因心霞縹代燭以資作勞服御儉嗇布棉陶匏
昔我

太祖雪後出獵擷衣而行儉德允協

太宗持盈等威攸判護軍以下不得衣緞鞍轡尙樸
不得飾金訓儉齊俗一哉

皇心

高宗念典勒石以箴桑梓敬恭仰厯

聖意玉輅憑軾問俗知志農夫紅女各事其事國語

練熟且射且騎二百年來我疆我理國俗不變飲和
茹旨里社熙熙媚於

天子可以觀風俗之美矣庶士曰願更有進也

銀潢末胄曰

陪京之立以衛

大都建城疊道帑項屢輸環水之宮藏書之閣繡檻
綺窗津梁末學

先帝以締創爲守成禱乎卓矣德不恃險三關自設

結柳爲邊莫敢私越居安思危有備乃競儲上駟之
選速郵命之傳豫將弁什伍之用莫重於馬政上都
鹽澤大凌河非耕桑之地馬場置焉水草字育共二
十萬二千八百餘匹兵不缺騎民不耗力

大駕履行營閱弓矢遵習射於

家法召弁兵而簡視且此

開國勁旅之遺昔以十三甲破百萬衆者儲之豫而
教不弛也可以觀武備之美矣庶士曰請更有進也

銀潢末胄曰舜巡四岳羣后覲焉禹會塗山交間帛
填未合萬國以事其先也周文郁郁駿奔辟公奉璋
峩峩曰在廟中上陵景從古邈有聞

大清六合一家梯航如雲值

皇上升饗於

丹陵東瀛瞻霞知

大聖人之莅止鯨鍾甫鏗夾道踰濟道左鞠脰朝鮮
國使蒙古諸部君長名王輻輳而至震動不遑居則

列於宿衛行則負弩前驅

御崇政殿受賀有儀或升自東或升自西內臣外臣
夔夔祁祁汗王肅拜覲

顏丹墀可以觀柔遠之威矣庶士曰願更有進也

銀潢未胄曰

帝業初興宗臣是毗稟成算於

廟謨資將材於本支

先皇篤念親賢普錫章服麟族奉

祀將迎雝肅邇者甲子萃一本之親合九族之睦聯
句肆筵賚子優渥既定年而勸

陵工先宗臣而派遣俾各奠於先塋

恩愈隆而愈衍施於三事宴

大政殿本支所先外藩並醺朝鮮陪臣亦飫珍膳

頒珍幣於內府導和氣於大東

世德之舞有節有容張

上儀於

舊京坐百寮於春風可以觀

恩禮之隆矣庶士曰願更有進也

銀潢未胄曰國之大事在祀天下之要道曰孝

玉輅東行先告

陵

廟

陪京祭典厥有常度籩豆屬於祠官

弓劍關於

聖慕敬德日躋醴假無言

壇

廟

堂子優見愾聞艱難之業具瞻霜露之感有釋
永陵首謁佳氣來集

福陵

昭陵九九松柏緬維癸卯

親陪

禹跡

寄託宏慈默禱翼翼

天人意符

眷授峻德灌栢鬯而仰

三靈之合觀

甲冑而思百戰之初當璧久協乎

戎命執圭重饗乎

神居以妥以侑洞乎屬乎若夫北鎮北海旁逮百靈

遣官分獻允愜禮經又推

先世褒功之典遍酬親王勲臣之塋可以觀祀事之
明矣庶士於是瞿然起軒然舞曰

聖人孝治天下其至矣乎四時之享歲暮之祫

奉先殿之祀詳且盡矣溯

軒升而展

舜慕誼美儀粹又進乎是巍乎哉斯世神人和而幽

明治也子之言

聖得其似矣

銀潢末胄曰未也追遠薦誠孝之事也繼志述事孝之至也

皇上受璽

高宗延禧

列聖實惟

仔肩堂構之艱不徒瞻禮

橋山之敬禁祥瑞之陳却貢物之進不顯亦臨如初

受

命水旱偏災蠲賑並施潦歲加粥蕭辰給衣

帝曰是林林者

列聖之遺也奠河渠以保成功之允洗氛祲以慰

眊捷之心每叨

神佑遂利蒼生

家法恪守讐言勿聽上蘭秋彌習勞不寧內而六官
外而臺吏教以經正民興之道督以循名責實之治

不尙虛文務觀實效先行其言以身示教弼之以刑
輕重無私萬里之懸燭照不遺所以踐孝思之實酬
付託之慈也所過免租減半正額從官守吏賜爵一
級庠序員增官牆喜溢獻賦

輦路內帑優錫居鄰

穀林

帝澤宜偏丙寅正供許爾全蠲施於旗莊寬貸亦然
銀粟布帛遍給遐齡喜生囹圄分別弛刑是以苾芬

初薦

神馭如臨錫以蕃昌昇以大亨和甘綏乎萬紀仁壽
施於四瀛庶士曰魏乎吾今而知

皇德之峻孝之大也觀止矣識子之言藏之以待金
石之播

七述

陳鴻墀

西清學士廣見洽聞簪丹毫以扈從陪

屬車之清塵自西徂東至於

上都職神臯之形勝誦

初皇之圖書監幅員於周漢齊制度於唐虞

大禮慶成旋乎

京師則有東觀吉人綴行鵷墀初讀

中秘之典籍未悉

開國之鴻規瞻豐溯鎬心傾神移爰造其廬而諮之
學士曰我

大清之發祥也肇基東瀛天造草昧

列聖是營曰興曰盛實惟二京其境則北控俄羅東
挾朝鮮南俯渤海西臨重關邊門繹絡茅蘊設焉章
亥所步極乎萬千山則鳩臺鶯落雁崖鵲窩紅草梨
峪黃花松塢帶虹霓之晨光蹀駱馬於寒坡龍鳳翔
舞以蚴蟉雕鶚盤攫而紛拏復有崇岡疊嶂翊乎

橋陵靈蹟嶽峙祥輝雲蒸壯北鎮之支幹壓千山之
峻嶒冠百王之圖牒絲億年之雲祚水則三臺五臺
大洋小洋洩洩東沙潏洑西襄稠柳澹泞舒蘭洸滌
蓮泊浮青菱湖鏡碧渾河發源於碩賓之西巨流環
繞於開源之北莫不嘔吸遼瀋飲飲潮汐且夫理大
者物博本茂者末豐惟長白之靈嶽直吉林之正東
闔門渺瀰實導三江左灌愛渾右注混同鴨綠東流
兼包瀋封矧復峯嶺名山沆瀣天池含始是濯安澄

所儀衍愛新之璿牒錫覺羅之蕃釐類元鳥之生商
邁帝武之啟姬此我

朝億萬年之洪基也吉人曰美哉泱泱河圖闡靈天
人合應可卜萬物之由庚矣

學士曰封圻之內厥惟奧區百昌華實是鍾上腴爾
其盧城之稻同州之稷麥辨大小梁異赤白豆分渰
池之種黍結巴蜀之實亦有鹿藿龍芽海蘊地膚燕
麥馬蘭章茅香蒲胭脂紅藍之花榛栒雜常之樹普

盤稠梨之林藜蘆茺蔚之數稽含之所不能狀班固
之所不能賦別有毛羽之羣鱗介之族元豹黃羊黎
雞素鵠雀翎燦白魚梢哲綠以佃以漁惟蕃惟育若
夫三楹靈蓂長桐嘉穀挹婁華貂伊尼文鹿璿源寶
珠松花美玉熊羆是裘鯁鯉惟鱗剖溫普之恒香味
招威之似栗縛海東青之縑截堪達漢之角形

睿藻摘

天章臣工賡和稽首拜颺此物產之饒沃亦陸海之

輝光也吉人曰甘泉玉樹上林盧橘詩人之賦敷陳
失實曷若所聞彬彬文質幸有進焉濡筆以述

學士曰

列聖膺圖拓迹東方括肅慎之故址奠遼金之舊疆
美里閉之淳樸培人民之樂康夫其周斐千家呼蘭
萬竈威呼曉濟霞綳夜照茂額林於挾振剝施函之
孔竅裁豁山而習書挽斐蘭而禦暴覆拉哈於垣墉
違法喇於潭淖判羅丹之雉盧陳養斐於錫銚旣敦

靡之有象咸渾樸之是倣遵

儉德於擷衣誌

皇威於懸弓呼麋鹿而哨羣射熊虎而躡蹤服疇用
規比戶可封況負材剛健秉心直質介胄仁義於佩
道德男務耕耘女勤蠶織屢井殷賑鈐規貿易

國固萬年之基家承百世之業有幹有年永懷茲邑
此亦風俗之懃美慶屢豐於萬億也吉人曰唐魏勤
儉幽岐忠厚候其禕而宜如是其康阜矣

學士曰昔者周盛河渭之養秦蕃鯤蹄之育漢資樓
煩之羣唐富沙苑之牧莫不入駿在御二龍驂服九
逸騰影十驥齊足赤岸流珠黃澤歎玉旦刷大宛之
郊夕秣余吾之谷蓋牧政若是其繁縟也冀之北土
馬之所生昭太乙之神貺稟大辰之星精則有秀騏
逢驄飛虞騰黃駮耳雞斯織離吉疆爛若列錦燦若
錯繡玉環蹀躞金鍍馳驟烙以飛龍之印篆以祥麟
之廐秦牙管青所鑒別王良造父所左右大凌之河

古之白狼河也谷深草肥泉甘土和苜蓿被野芡萁
緣陂種苗瀛洲之芻族茂玉山之禾走瀚海之平沙
澄渥洼之清波迺有羣牧令丞承華奚官春遊夏戾
毛別物頒太僕掌之鈎稽是嫺選其神駿壯之

上閑別有獨峯之駝其卧屈足牧養有坊典司有局
知風穴之遠近識水脈之贏縮負重致遠力健行速
牛則牴牾輸牂厥類詳焉羊則粉榆殺羶厥產良焉
此亦考牧之盛維魚之所以告祥也吉人曰魯頌斯

臧衛風塞淵詩人所陳視今懸矣富而兼教王政聿
先願更發之測涯涘焉

學士曰懃昔

太祖龍興奮揚

皇武外蘭殄棟鄂取輝發克界藩撫平訥殷之七寨
伐葉赫之九部破敵世萬於薩爾滸

太宗因之

天威是冒渡白馬於平壤颺

龍旂於松山

鴻業所基萬世永安此王師之無敵武畧之夙嫻也
爾其花柜作稍白檀纏鞞鞞棟之皮可飾弓弩櫛櫛
之材乃中弧矢家傳越棘之方人笑吳鈞之技則有
鋌鍛護項兜鍪蔽首鐵襖圍紉金釵貫肘鳬神之弩
雁神之鎗藟葉鉍利梅鉞箭良碧砮製鏃安石礪鏃
雍狐燕犀之仗扈帶鮫函之裘矧復風氣剛勁士卒
武怒耕戰兼資騎射爲務礪柳六鈞穿楊百步步伐

止齋後先䟽附祈父爪牙之士豈兔干城之具今之
將軍制閩都護專城萬方爲憲而肄武三省望肅而
洗兵此武備之嚴整武功所以告成也古人曰易稱
貞吉書美詰戎永清大定斯萬世之勲庸乎

學士曰未已也箕尾之躔實臨析津倬彼雲漢經流
旅寅旁燭東壁中環北辰象緯在握璣衡是陳天文
兆祥乃光人文昔我

太祖之製

國書也集蘭典延蘿圖仿靈書於溫誦協左行於佉
盧辨行均之龕鏡溯神珙之權輿迺

命儒臣聿遵成式音韻聯珠體裁合璧入會儲精十
華煥色開治化於萬禩播同文於九域粵若

太宗肇設文館華林校錄石渠編纂敢宛委之琅函
曝羽陵之玉簡記注政事繙譯典籍著武經以握機
試文儒而侍直

列聖纘

緒舊京是崇達大成之

文廟啟三雍之澤宮門闢之學以教國子博士之設
以待秀良西則試士設院東則文德署坊文溯之閣
起乎中央經史子集四庫是藏充棟連楹輝麗縹緗
大

聖祖之集成煥

高宗之

天章褒衣博帶之士咸得覽誦而嚮方焉培英籲雋

蹕路而奏嘉頌者不可以數計

皇心愉焉廣登進之額

錫尚方之幣膠庠彬郁聿彰

邛治此髦士之翹秀教思之漸被也吉人曰虞史述
德堯醴舜薰周王壽考爰美作人文德誕敷匪直古
所云矣

學士曰天道地寶乾符坤珍有馮有翼乃武乃文

列聖豐功偉烈子旣得聞之矣言從翠華記載是司

採童叟之謹謠仰

綸綍之洪頤更僕不能竟也請復爲子述之吉人跽足竦立應曰唯唯學士曰惟我

皇之時巡繫孝德之是務建華旗乘

玉輅舉祇謁之

上儀瞻

壽邱而抒慕問暖閣之糠燈仰

寶城之神樹懷

弓劍於鑄鼎之湖省

甲冑於飛龍之庫

泰壇告虔旁及河嶽萬靈所以綏祿也疆吏懷恩下逮衆庶羣情所以斂福也

錫宴宗藩維城之誼彰焉秩祀功宗酬庸之典光焉綏懷屬國撫柔之澤長焉頒寬大之

詔而奸宄息矣下蠲貸之令而田疇殖矣優粟帛之養而仁壽積矣文治蒸蒸日上武備飭而延洪之福永無疆

矣昔

高宗純皇帝四莅

陪都省方展義我

皇上以

高宗之心爲心以

高宗之事爲事故行

慶施

惠莫非

大孝之所推而暨也吉人於是裕構鞠脰伏而謝曰
大哉

聖人之德並天地光日月被四海澤萬物雖子雲授
簡相如操筆亦無能導揚萬一也已

露布

平定準噶爾露布

劉綸

臣聞風霆所以宣幽出滯故泰鴻之運無停行軍旅
所以建威銷萌故仁義之師不宿老矧其越在荒裔
客主殊形加之折衝正竒迭用則必先幾秉哲瞭然
指掌爲規獨斷成功迅甚鼓桴相應有若虞廷舞干
苗格姬室因壘崇降克鬼方不假三年服獫狁無煩
六月豈與夫投鞭魚海一登老上之臺弭節龍堆重

抵休屠之幕爲足樹閼猷於不世揚偉伐以無前者
哉洪惟

聖天子先天弗違慮善以動振

皇綱帝紘而出治挈乾維坤絡以并包萬彙靡不昭
蘇入荒罔非亭育迺有準噶爾者金牙僻壤葱嶺遐
陬當拘彌渠勒以西在烏耗諾羌之外匪夜郎之自
大屬國猶通寧日逐之難求職方未隸曰額森曰托
渾狼跋不馴惡貫嘗盈於元代曰噶爾丹策凌曰策

妄阿拉布坦蠶食無饜馭階自構於

天朝

聖祖仁皇帝三詔

親征是以有克魯倫河昭木多之捷而元克殄

世宗憲皇帝再申

命討是以有塔爾那沁額爾德尼招之捷而逆孽窮
凡以

化洽並生義懲不諱苟四部自戢其羽翼將七旗相

安於齒屑何彼么膺敢憑慘黷蹈覆轍者迫噶爾丹
策凌而四傳不改肆陸梁者訖達瓦齊則再世爲尤
夫其支鄙瓜分埴封瓦解蠹同伊秩素絕効忠之謀
黠過車犁仍尋爭立之釁如土爾伯特和碩特輝特
土爾扈特各部身罹瓜剗以同闔而成架漏之危策
凌策凌烏巴什阿睦爾撒納班珠爾諸人心厭狂醒
以降蕃而效請纓之舉欵紫塞則扶攜十萬讌

彤廷而

封賞再三信乎突利來朝占咄苾之將僂呼韓入侍
卜郅支之就擒會非偶然時弗可失

皇帝默成睿斷洞燭神幾謂畧其地卽藉其人勢操
百勝徠其人因居其地策定萬全

特命

臣

班第等入參樞衡出秉齊斧三韓抽勁七萃

選精且日磧向義而副以建牙社尙歸誠而畀之分
閩諏辰二月之吉輟舍兩路之營陟賀蘭以遄馳沿
疏勒以寘頓不誓不譏旌旂動色有犄有角部伍就

閑所過市無易屢農不輟耒我軍行乎衽席彼衆饋
以壺簞牛馬谷量地擅因糧之利薶茶山積人多宿
飽之貲若包沁若札哈沁若阿巴噶斯若噶爾匝特
若庫爾都若庫特齊納爾若阿爾塔沁其台吉寨桑
德木齊等厥角膜拜張臆婆和脫帽而噀毋作酋虜
捧檄以喜得爲王人其諸戶丁餽牽仗械鈴櫜別件
條上更僕難賅所可要約舉者一收吳梁海而樊櫟
翦載撫五集賽而聚落盡逮納綽羅斯噶爾藏多爾

濟而堂奧空矣伊犁者俯瞰洪河高凌峻坂澗泉溢
涵卉木蔚蔚兔營窟也有三鳩奪巢者非一方以彊
騎爲之束馬健兒由是縣鞞弱水迴片羽之波誰泗
渾脫陰山恃丸泥之固孰舞梯衝乃我師旣會波羅
塔拉遂踰闡爾奇嶺以五月二日入焉於是前行後
行捫青天之一髮首應尾應卷丹旆之雙旂而區脫
久閒骨都失守彼狂鋌走已爲潰腹之魚所部懽迎
不逐拖腸之鼠黃冠髣面咸擁麾前紅鞋玉槃請輸

闕下破陣聲傳凱樂聽吹夾岸箏笳中流氣壯澄清
看渡連檣艫船旣而次花諾海躡格登采尙圖斯時
則鋸牙鱷徙尙臨沮洳以泥蟠伏鷖鷗蹲徒倚磽礧
而棘守寢假糜其殘禽使脅從者盡化沙蟲毋寧謀
此遊魂俾面內者先疑風鶴翼長喀拉巴圖魯阿玉
錫勇逾裨將計出偏師衷甲氣沉翻營力趨一呼據
先登之勝不矜考叔揮螯半壁爭深入之雄詎數淮
陰拔幟弧彎霹靂霜清是處驚弦刀淬鷺鵠月黑曾

無頓刃廿二騎儵來天上十千人真坐井中以故卓
歇猶存引弓早去羣雖盱而丐命塊趑趑以偷生鋪
敦乎百不二三跽藉者什之八九檢得駁車鐵繡覘
灰冷之難然收將毳帳塵封想烏飛之已遠是月十
有四日事也彼窮猿欲擲終教檻底爲期而閔議方
酣又自穴中而散在哈薩克驅除前路知望三單以
卧枹豈布魯特延納世讐肯憑一介爲乘傳粵六月
八日有阿奇穆霍集斯伯克者屹回部之長城械和

門之尺牘卡環三匝技擅擒生偵設四游塗防逐草
山口微聞喘汗猶云獮酬醉酪以遺林中不見銜枚
何意虎箭貓弓而出罪人斯得黨惡俱俘伊孤豎旣
遂影空濠連雞足繭彼煢嫠仍殞僵故隄破獍毛摧
至巴朗等反側一時仍是圜牢細物羅卜藏丹津等
逋逃數世難湔滂裸餘氛固已目愁衢路灰釘心悸
行間桐鼓支防風之骨恐沈鋒車戴月氏之頭未堪
飲器者也方我師之出也伊吾雪銷瀚磧澍應材官

無須刷鬣介士不及解幘轉玉律而歲末半期開金
城而地收萬里上釐辰朔無彈丸偶漏之星旁訂方
輿鈔粒黍不周之谷葡萄充筐天馬貢閑車無柅以
指南鼓不撾而記里司馬法九天九地詎勞白羽頻
麾貳師軍一障一亭奚埃黃龍遠戍以眎元王九區
則壤流沙惟界肅州炎代四郡開邊燉煌僅徵哈密
方斯蔑已不其遼乎益由

國家懋膺

天

祖之床

皇帝動協陰陽之撰示羈縻則通其貢市蒯苞蘖則
詰以戎兵銀匱晨披皆聚米列眉之畧蠟九夜到悉
建旆破竹之奇用能成

丕烈於

兩朝奠宏基於萬葉

臣

等韜鈴志切

廟算躬承得際

昌符式臻

洪捷火敦腦黏天浪靜喜

王師洗甲而還狼居胥冠日峯高祈

天筆勒銘其上從此掃旄頭而文呈霞霽英姿緬褒
鄂弓刀磨盾鼻而字挾風霜顥氣入阮陳鉛槧無任

慶快之至謹奉露布以

聞

平定兩金川露布

紀昀

臣聞威揚星鉞非螳斧所能支怒奮雷殛雖蠶叢而亦闕應天者勝定由四冢之誅恃險者亡難負三苗之固故王師仗順歷百戰而無前逋寇偷生終一朝而就縶靈夔震吼西人之膽全寒雄虺摧藏南粵之纓遂繫恭承

睿畧已縛渠魁竊兩金川者俗帶蠻荒人原羌俗金牛闡道爲五丁未鑿之餘玉斧分疆在一水相連之

外九氏雜處率遺種於冉駝入國參居盡隸名於默
潏路通的博問唐戍而皆迷郡接汶山出漢封而更
遠蓋四萬八千歲後至建興始控以城而五百六十
人中在嘉靖尙名以寺羈縻勿絕古來徒繫虛名叛
服不常此輩遂成天性泊我

朝龍驤討罪初定峩嶼狼種傾忱全收叩笏桃關置
堠已歸版籍之中幢布輪寶久定臣民之分百年培
養漸如奚別東西兩部區分遂似宛名大小沐

天朝之雨露各長子孫割蠻土之山川自成聚落而
乃中山狡獸最解忘恩西部遺羌從來喜盜包藏藥
黠縱橫黃石之墟突肆貪殘蹂躪青衣之外吠同蜀
犬忽爭骨以磨牙毒類巴蛇竟攀山而掉尾往者戊
辰之撻伐玉弩騰芒實因郎卡之憑陵銅頭興暴乃
以驚弦落羽梟不東飛負矢哀鳴鵠知北向
天心仁愛許還松堡之師

聖度宏寬容免竹王之戮凡以綏柔荒裔俾板楯之

知歸何期孤負

深恩仍夜郎之自大爪牙暫戢密蓄機心羽翼未成
轉修舊好吐蕃嫁女羈勃律之歸唐毋恤求符冀恒
山之瞰代陰謀未遂十稔先盈遺孽猶存九嬰彌亂
凶殘有種索諾木虺復爲蛇貪冒無知僧格桑狐因
假虎莎車構怨稱戈鄯善之人般囑興戎喋血羅支
之帳四鄰俶擾月明而軍柝宵驚二豎披猖風吼而
戰雲晝起疊生同室雖爲蝸角之爭境接中原漸慮

犬牙之錯屢吹毒焰似聞贊普遺風敢播謠詞擬逼
姜維故壘葢兩階干羽終莫格其頑心八陣風雲自
宜申其顯討乃以邊臣計左未能宣布
天威聞帥謀疎無以欽承

廟算始則印歸邛谷陽受約而彌驕繼乃城屬兜題
已失巢而復得僧格桑投林薨兔將三窟之重營索
諾木振羽竒鶻更九頭之彌黠借降人以用謀初同
婦嫁維州留部長而不歸正似王囚阿惡迹其質集

以割地具有深謀足知挾衆以窺邊終爲後患敢圖
悖逆僉云罪已通天苟不剪除深恐勢將滋蔓

皇上是以威操湯鉞迅調銅符武震軒轅重開玉帳
乾隆癸巳六月

詔以 臣阿桂爲定西將軍以 臣豐昇額 臣明亮爲之

副握虎鈐以命將星動河魁引鶴列以陳師風馳山
子旗分柳綠滇黔秦楚之兵襦映花紅彭濮微髻之
卒宣明賞罰令嚴而壁壘一新簡汰疲癯氣奮而笳

簫倍響復以

禁中羽騎初時未果從征因而城上蜚弧所向莫爲
前導牙璋飛召爰蒐健銳之雄櫜鼓交鳴併簡索倫
之衆攜來飛矢天邊齊射狼星倚作長城閭外寧驚
鶴唳四奇四正共成風后之圖九拒九攻誓纛溫禺
之血龍吟畫角雪山之亂石皆鳴馬振連錢玉壘之
危峯欲動蓋將永清乎邊徼務在擒王所以大合乎
軍鋒不辭用衆

星樞高挈周萬里以提衡地絡歧分用三驅而取道
睿謀指示共瞻

軒帝南車衆志驍騰齊出益州北部一軍別駐俾成
憲尾之形兩路兼攻各據擣虛之勢山川聚米已全
境之周羅戈甲捎雲乃中權之采入是歲十月

臣阿

桂等由資哩諸處進兵收復鄂克什官寨芙蓉淬刃
新軍皆初試之鋒薜荔懸厓舊路是曾經之地絞人
胥潰競自棄其功籠楚幕晨空俄全清乎甌脫川原

如故已遷之邢鄆仍歸井竈不移待救之江黃先慰
十一月進攻路頂宗明郭宗收復美諾千盤鬱律青
壁無梯一綫延緣黃雲迷徑當年伏莽僧格桑藉以
潛藏此日負嵎索諾木恃爲障蔽崇墉再伐尙因壘
而不降齊燼重收竟背城而思戰機槍駁吐囂矜之
氣方張睥睨塵昏格鬪之聲遂合風生勁弩平驅庫
手三千雪壓危巒直接雲梯七百弓刀爭響峻嶒之
石骨皆摧樓櫓平頽睽睽之旄頭倏墮揚旂搥鼓一

時三逐殘兵按籍披圖兩日再收故地闔其門戶已
椿長狄之喉撤彼藩籬早斷匈奴之臂甲午正月進
攻谷噶了口初臨寇境一丸早已泥封橫阻前茅千
嶂都如笏插蜂房密綴異敗亡鳩合之餘虺毒橫吹
正僥倖鳴張之後銅丸走坂憑高者籍勢囂爭石角
鈎衣躡險者排空馳突弩張劍拔兩軍之銳氣皆新
雷轉山驚三鼓之餘音不竭誼呼沸地似翻骨母之
潮烟焰迷天忽結蚩尤之霧戰酣不解應龍之翼彌

張力竭難支妖鳥之巢乃覆於時臣明亮亦由赤丹

爾思攻破馬尼牙旂並建輔車之勢相維羽檄遙通

犄角之形早據獨當要路旣無旁顧之憂徑擣中堅

益奮直前之氣三月臣阿桂抵羅博瓦外郭是恃秦

人倚函谷之關舊壘原堅晉師阻偃陽之國四壁盡

立高深皆自難窮八壘回環左右多能相救羊腸結

曲非一旅所能攻蛙徑紆環乃五軍之並進分明刺

隊數符太乙之旂飛矢揚兵氣壓常山之陣參差使

起驚飄瞥之無恒蹂躪橫行駭枝梧之不定山精血
梁條半化於青燐木魅巢傾遽罷吹其碧火會以風
吹山帶乍浮迎陣之雲水挽天河豫灑洗兵之雨苔
衣夜滑未利行師嵐氣晨蒸且留養銳計其時日正
同虞帝之七旬簡我車徒乃及宣王之六月是月克
色湖普進克喇穆喇穆及日了口七月又克該布達
什諾木城及格魯瓦角諸寨兩軍夾擊都如絕地而
飛一隊潛行忽似自天而下四山陰合霧濃而伏豹

爭騰萬木聲號雨急而怒龍奮攫纒羶密掛雖側足
以難登鬼彈驚飛終仰攻而不避丹厓平裂真彎沒
石之弓翠巘中摧如有破山之劍轉鬪萬峯之下幾
歷千盤出師一月之中因成三捷兼以橫摧鈎楯道
如刊木而通因之徧熱團焦勢似焚山而獵雷能破
柱一聲而斷枿紛披火自生風四顧而殘煤空舞地
中鼓角直草木之皆驚雲外旌旗早山川之相望重
巖複岫巨靈之迹齊開羈魄殘魂貳負之尸遂穢然

而大軍未合猶紆道以求通黠寇多岐當出奇以制
勝披榛得路一時幾費時嶮括地成圖萬里乃蒙
鑒照與

天合契信必克而無疑惟

聖前知果圖功而有獲十月由日爾入當噶之下榮
噶爾博之上取道攻得默格爾進據密拉噶拉木併
克凱立葉諸寨武陽別出廣漠先驚斜谷方開陳倉
徑渡股肱雖在拊其背而難施首尾空存斷其中而

莫救颺輪捲地聲酣而山鬼皆逃火繖燒雲勢烈而
沙蟲俱化三周不注連逐齊師一出井陘併空趙壁
深林搜伏旁批蟻穴之柯高嶺屯兵徑卓虎牙之帳
乙未正月克康薩爾四月克木思工噶克了口山河
表裏勢既居高谿谷崕岬逕尤絕陡過斯以往俯攻
卽似建瓴據此而爭死守亦同奪刃困猶力關更憑
九折之厓險已難升兼阻千秋之雪敵先有備伺得
隙而後投兵貴乘虛待不虞而始動梯衝忽合易水

晨驚鵝鴨齊鳴蔡州夜襲一則遲以兩月用三日而
畢收一則稽以九旬越一宵而立潰要津得據武牢
竟扼其吭大勢全歸上黨已居其脊艱難爭險頻年
幾度持籌奮迅摧堅茲夕始爲如志然而遜克宗者
懸車束馬我原避險而來穀弩枕戈彼尙增埤而守
小能害大舊聞蜂蠆之言後或乘前古有螳蟬之譬
五月旣得噶爾丹寺噶朗噶舍圖柱卡乃遣臣豐昇
額等銜枚卷甲曲厯蛇盤附葛攀藤直探虎穴神方

助順霧迷五里之陰人盡潛踪花隱百重之影一呼
忽起震屋瓦以羣飛諸道交攻數闔枚而已逼爾弓
爾弩排闥難施我斧我斨鑿垣競入豺狼當道於今
忽得全平魍魅不逢從此無憂竊發七月進攻昆色
爾及拉枯寺喇嘛科爾三寨舊則大海諸處霜濃露
滑未怯山行月黑風高最宜夜戰直摩溝壘爭看突
將先登已逼門庭肯聽蠻奴死拒萬山皆響立頽鉅
鹿之沙一炬橫飛遽烈崑岡之火布金成地唱梵唄

而無靈築石爲居藏蠻墟而悉掃六丁雷電橫驅者

甫屆三朝兩路麾幢會合者遂臨一水適

臣

明亮旣

破宜喜之後亦廓清日旁一路五十餘里進攻額爾
替石真噶諸寨盡得上下沙爾尼之地雕旂遙望欣
聲勢之相通金柝時聞覺威棱之益壯成功有日約
共繫夫凶渠乘勝遄驅遂先圍其舊砦八月大兵攻
勒烏圍五重危磴鐵骨含青一帶洪河銀濤翻白高
墉峩嶭共成獸角之形堅壘周環曾是鴟蹲之地噶

喇依遙資屏障儼築重關轉經樓近與毗連竟成夾
寨潰兵歸保逆徒猶自蜂屯大旆臨攻醜旅依然螳
拒於是鈎連長棧先防援應之途絙曳飛杠豫斷通
逃之路平堙坎窞竊同韓信囊沙橫激雷霆未許劉
鄩掘地長圍既合俄飛走之俱窮孤堞將傾乃騰凌
而並入金戈晃耀三千之控鶴齊呼玉宇高寒十五
之明蟾恰滿四圍礮火中天掣劈歷之車一片刀光
半夜射望舒之魄堅城旣破直看鼉令浮尸窮寇仍

追會遣樓蘭對簿十一月進克西里科布曲索隆古
兜窩又克朗阿古則朗噶克了口旋據噶占十二月
由瑪爾古當噶取舍齊雍中兩寺遂直擣噶喇依屢
征屢下全成破竹之形彌入彌深直類剝牀之象迫
於頃刻信幕燕之知危緩以須臾尙釜魚之乞活盤
瓠之六男六女多隨母以歸誠哀牢之十子十妻半
挈家而納欵惟茲逆豎守陴之哭已聞自保孤城銜
璧之迎未肯旣而臣明亮等掃清河西諸處渡河而

來後路之兵亦乘勢招撫咱普庚額特會達諸寨隨
而續至大軍旣會一時燦若星繁列校爭前四面圍
如月暈雲羅萬里周隄而飛鳥難逃鐵網千絲截水
而游鱗不度外援已絕鳶無可寄之書內顧無謀廳
是已窮之技不降不戰理難聽其苟延且撫且攻勢
將出於生縛乃乘彼亂渴無拜井之泉爰鼓我師怒
躍射瓊之矢火珠激迸烟漲成雲金彈碎旬焰飛掣
電戰塵瀕洞聲喧而地軸皆搖殺氣蒼黃力猛而天

梯直上逆酋索諾木求生無計餘息空存欲死不能
驚魂先餒論之莫省不爲鄭伯牽羊悔亦難追乃向
班超抱馬遂率其兄弟莎羅奔甲爾瓦沃雜爾斯丹
巴及兩土歸與大頭人丹巴沃雜爾阿木魯綽窩斯
甲尼瑪噶喇克巴偕兩喇嘛挈所屬二千餘人捧印
麾前泥首乞命風沙自潰窟穴全空盤橐成禽妻孥
並繫狂童右桎不留梟獍之蹤逆黨反衿未漏鯨鯢
之網剗壕處處業已焚巢貫索纍纍非同獻馘妖星

墮地雲開石紐之山魔雨回晴花暖桃川之樹北上
之檻車一發九姓知威西師之鐃吹將還六軍奏凱
粵自戊辰以後凡兩征而邊釁始清聿從辛卯以來
經五載而戎機乃蕝蓋事殊擒闢路別中原勢異征
淮據非平地削成峭壁山山皆九渡之河縋出懸崖
步步是七盤之嶺隨心取徑更無蜀棧相連到處藏
兵總覺峭師可禦故其地僅千餘里而往來莫得其
途其衆僅三萬人而出沒莫知其數仰賴我

皇上珠鈴獨握密運兵謀金鏡高懸熟籌地理申明
軍律飭司馬之明條整肅戎行選羽林之勁旅發金
錢而弗惜民不知勞輓芻束以常充士皆宿飽
恩威並用人人懷效命之心

指授無遺事事稟先幾之算所以稍稽歲月終得有
成備厯崎嶇卒能奏績魚蠶未闢之地列戍開屯葛
姜莫到之鄉陳師鞠旅罪人斯得藁街待正明刑荒
徼咸寧板屋永霑

渥澤黎風雅雨和甘過大渡河邊羌竹蠻花葱蔚接
無憂城外巴渝舊舞齊隨破陣之歌蜀國新絃總奏
平邊之樂往者天山左右宣威而定馬東來今茲益
部西南討叛而參狼內向後先一轍總

聖皇獨運之謨上下千年皆舊史未聞之事從茲銑
歌十曲召岐伯以重增定知譯曲三章接唐鼓而踵
獻域中慶洽閩外歡騰_臣等仰藉

聲靈幸禽醜逆星郵迅發剋期書到甘泉雲棧飛馳

側想邑名聞喜戢兵轡野彌昭

軒皇教戰之功偃伯靈臺聿瞻

姬室修文之盛臣等曷勝踴躍歡忭之至謹奉露布

以

聞

平定兩金川露布

劉錫嘏

臣聞天助者順罰必凜乎不恭聖德曰生師非出於
得已故丹浦詎云樂戰而弗庭之罪難容青邱匪曰
觀兵而負固之誅莫貸當其陳師而鞠旅丕振皇綱
凡以戢暴而懲凶欽崇天道然從未有無征不克迅
成掃穴之功履險如夷永建救蕃之策如
今日者洪惟我

皇上睿謨獨斷神武遐宣包地絡於八綬挈天紘於

六幕固已界鄰蒙汜讐威則候月來庭水近牢蘭銜
照則占風納費南倚北昧狀寫鴻臚西饌東鵜名編
屬國迺有兩金川者種雜槃瓠地連浮竹蠻髻僻境
何殊雞處甕中獠攷同羣真是蛙居井底向因負弩
隸宣慰之專司遂荷分符列西南之近徼供笮馬焚
僮之役無事羈縻比刀耕火種之倫不遺覆幬孰謂
貪殘成性濟惡則狼又生羆表裏爲好助逆則蛩還
倚蜃如僧格桑索諾木兩酋者也跡其冉駹錯壤井

鬼分星山峻礪門束馬懸車之域穴深卡壘風餐雪
虐之區昔當綽斯甲之間爰有莎羅奔之孽夜郎自
大罔識天高日逐未禽猶稽面縛溯往歲曾干

撻伐特寬後至之條卽邇年肆虐邊陲猶厪前禽之
誠並包之惠量莫與京再造之仁感應無極不謂難
化者鷹眼飽則遠颺弗馴者狼心薨而反噬纔周十
稔已滋僭德之奸漸擾九氏大啟侵鄰之釁始也蝸
惟爭角俄焉虎乃負嵎加以二凶聯唇齒之形因而

兩部協聲援之助依其逋藪敢肆鯨吞當我隆車爰
謀螳拒

皇上以爲愚頑可憫掃蕩堪矜萬石之機肯爲射麋
脫手千金之璞不因抵鵲輕心倘悔過以思悛喻蜀
何妨傳檄苟知恩而圖報渡瀘安用勞師爾乃螯比
拚蜂吠同瘕犬播維州橋之謠諺包藏禍心擾鄂克
什之耕屯震驚戎索侮慢我疆吏抗拒我顏行蠢茲
怙惡而遂非端賴小懲而大創

皇上於是肅將聲罪洞悉機宜飛檄宵馳高牙晝轉
雷輜蔽野驍騰控鶴之軍月駟追風蹴踏飛龍之騎
出桃關而西指邁雪嶺以徂征朝銳可乘巴朗之風
雲變色先聲能奪達圍之草木皆兵乃入兜烏乃收
美諾解真迎刃踏平趨拉之區迅若摧枯直壓促浸
之境會孤虛之偶迂伏莽潛與俄壁壘之更新廟旌
復進臣阿桂等節膺閫外身在行間祇受兵樞恭行
天討指揮蛇鳥索倫之勁旅橫戈驅策貔貅吉林之

精兵執挺健銳則輕於鳥過緣壁飛行火器則旬若
雷礮中礮粉潰滅此朝食人有戰心與子同仇衆皆
裂眥鼓一縱一橫之勢簡入旗而仍展兩麾揚再接
再厲之威不旬日而還收全部蓋罪大則難赦豈容
姑息之再施而貫盈則必虧詎可剪除之不力

臣阿

桂由西路濟師扼谷噶而批其郤

臣

明亮由南路取

道洞馬尼而擣其虛爲挈爲提斷臂之功成兩翼一
直一曲攻心之畧在中權羅博瓦絕磴千盤螳旋而

上遜克宗危轡萬仞隼擊如飛四山之烈焰交騰默

格爾巉巖立墮百道之衝車競舞康薩爾堅壁全開

臣

明亮乃出奇兵分趨喜宜山梁令

臣

福康安等會

之道達爾圖以前驅若振疾風而掃秋籜

臣

阿桂亦

清後路別攻噶爾丹寺令

臣

豐昇額督之兼舍圖枉

而併下若揚炎景而鑠春冰咤叱則山嶽動搖跳盪

則江河騰沸追奔逐北者五十餘里撓鋒染鐸者數

千百人夾河成犄角之觀日旁奪隘絕頂得建旆之

勢昆色摧堅將旣同心士皆戮力遂於上年八月十
五日夜攻克勒烏圍轉戰彌酣擒殲不少秋高牙帳
催軍之畫角爭鳴月滿空山接陣之刀光齊迸繚垣
斜引排長柵以橫衝巨索旁牽曳飛梁而立斷冷角
寺高墉飛越箕張之象先摧轉經樓險砦平顙鼎峙
之形頓破積薪填塹淮陰背水之軍噓燄生風陸遜
燒營之策謂標足全羈絡幕乃鍛翎僅脫驚弦逆酋
爰退保窮疆收合餘衆狡兔營成三窟逝將焉之妖

狐死必首邱窮於所往

臣

阿桂銜枚以走飛轂而馳

乘茲破竹之機益奮扼吭之力科布曲蠻烟夕掃樹
幟何神索隆古密箐朝陰焚林大懼雍中危堞列炬
灼以星飛西里顏崖銅丸擲而雨潰旣揚我武遂抵
賊巢時則十二月十九日也長圍密築竟野罝張四
面環攻彌天旱布腹心漸散蠱賊於以內訌飛走俱
窮水陸因之並進時則由撒谷至獨松而會者旣旗
鼓之相當由絨布抵馬邦而達者亦橐鈴之互應左

顧而闕如虢虎嘯列長風右盼而矯若游龍攫翻修
壑加以諸番効順羣族輸誠間謀縱而圍中之消息
都知鄉導設而劍外之崎嶇何有於是層層進逼處
處嚴搜寇覘坐網之窮陣結環龜之密或則梯牆直
上或則援布先登或懸崖撒手以游行或絕澗橫流
而徑渡勇能摩壘山欲匝以三周險失九泥路遂通
乎一線執其黨之岡達克臄猫奔迫先礮俛鬼之魂
躡其踪於噶喇依悍鱗崖移如索枯魚之肆其山則

翠屏截業巨靈未擘之峯其水則濁浪瀰淪象罔難窮之域有堅必克已看蟻潰殘封恃險爲安尙爾燕巢危幕乃復蠱之巨礮布以神鎗兼乘風縱火之奇有碎遠透空之力烟塵四合掣紫電而峯摧霹靂交轟指妖星而石竇楚留空幕甲仗則棄與山齊秦少還轅牲畜則量爲谷滿賊衆則投戈乞命脫帽求生出降者二千餘人攻圍已四十餘日獸方走墻豺欲搏而難留雀欲歸鼓鷗以毆而更甚逆酋知命將垂

盡事不可爲顧乃申脰就執蹴足入絆疏勒王非同
劫縛吐谷渾已見生擒儼繫足之連雞待駢頭而屠
豕向者殲渠有誓僧格桑早貳負陳尸於今獲醜符
占索諾木遂蚩尤受繫長組纍其如貫何曾千羣檻
車驟以載駸真行萬里當此日旗開楊柳三軍舞纛
而前計歸時晏及櫻桃壯士長歌而入是役也大小
曾經百戰前後已閱五年地僅彈丸妄倭當關之阻
人如鬼蜮偏興縱目之妖惟地險之可憑竟

天兵之屢抗彼旣弗諱則

怙冒何加此而不誅將

威稜誰憚要惟我

皇上炳茲離照奮以乾綱運帷幄之籌兵直過於席

上聚

殿庭之米虜已在吾目中用能止合

天心仰邀

神貺六宇之獻琛麇至肯令窮髮稽誅萬山之積藪

春融頓使不耕隸版遐方永靖七擒縱而反側皆全
列戍相望一候尉而風聲遐樹從此勒銘紀績遠逾
玉壘以磨崖試看奏凱還師直挽金川而洗甲臣等
戎韜未習

廟算同欽効乃鷹揚勦茲烏合

臨軒籌筆咸知

聖主之功詣

闕陳俘詎謂虎臣之力慶策勲於紫閣敢希像畫凌

烟馳送喜之紅旗竊愧才非磨盾凡諸丁籍軍資別
件條上所有逆酋黨屬專驛迅馳以等無任踴躍歡
忭之至謹奉露布以

聞

平定兩金川露布

周興岱

臣聞璇主治德周官隆典瑞之司參罰垂芒星座著
張弧之義故聖人之治不怒而威而王者之師有征
無戰矧夫地當縣道服在要荒與躋容銳氣而狎居
有封豕長蛇之薦食夕烽乍起每擊柝以防關秋稼
未登恒攝弓而保戍卽或檄馳諭蜀樓起籌邊將拾
藩以奚從如捕風而何益未有懸軍萬里決勝崇朝
采入掃巢生擒數獲使千載逋逃之藪瀦爲滄池俾

一時桀黠之豪裹之犀革是則有嘉折首僅繫於易
父在泮獻囚獨徵於魯頌由今溯昔罕見其倫也欽
惟

皇帝陛下躋六宇於春臺暢九垓以榮鏡四十年觀
光揚

烈丕顯丕承千百國懷德畏威悉臣悉

主松軒解慍惟披長養之風葱嶺綏戎但報平安之
火拓開疆域流沙蟠木以偕來徧起耕屯吠犬鳴雞

之相接何陸梁之小醜輒反側以干誅兩金川者寔
數殘區跳踉積習齒堪齧鐵逐獬豸以爲鄰吻欲吞
舟混魚鳧而成俗曩奉

軒旗而撻伐屢開

湯網以生全未悛革於三驅祇羈縻於十稔僧格桑
旣事讐而反面索諾木復濟惡以甘心蠶未饜夫貪
饕餮頻施其毒螫罔中於信受恩竟至孤恩襲盜以
狂作孽翻爲餘孽依碣堅而礪峻漫擬負嵎托箐黑

而林深還思走險邯鄲口中之蝨眇矣其微子陽井
底之蛙倏然自大法無姑貸罪豈勝書蔓不剪而何
以爲圖莠未除而曷云其植我

皇上先機是燭妙算如神爰勗故以誓辭用

赫斯而振旅聚米而山川如見刻桐而輦鼓遠聞以
及三令五申之文背孤向虛之法莫不

親授神機恭承

廟畧

臣

阿桂等揚鑣直指受斧遄征束馬懸車凜牙

璋之載道提桴卷旆嚴刁斗於深宵籌筆輸忠庶叶
師丈人之吉拱稽致命竊希古大將之風固已遠涉
繩橋全收革地官軍壓而沙蟲立化賊氣索而風鶴
成驚矣而乃狡兔多藏連雞尙擾

王師再整

帝命重申旣形勢之森張亦竒正而互用周軍飭壘
審地利而制陣圖逸囚行歸伐敵謀而作士氣銳如
破竹城摧直浹辰之間捷若走丸兵決可期月而望

爾其層崖障日窮岫泄雲陟巘登原焉知牝牡攀藤
絡石莫辨尋常無底旁探直下竈鼉之窟不毛深入
橫過劍戟之峯叱馭而前度輶輶而非險飛禽不到
經浪泊以奚愁擁馬褐以霑濡羣山雪滿望狼烟而
黯淡懸幕風高苟裹足而不前洵捫心而增怵臣等
感

恩益切握節彌堅揮戈而日月迴光拔幟而風雲變
色爲虺勿摧若爲蛇何聞鼓而已不聞金矣於是中

權直搗兩道分攻奮猿臂以俱升繞羊腸而遞進俞
兒前騁每右袂以尋源燾尾載揚從左檐而得路小
漏大漏恍榦折於單絙仄行紆行似珠穿於九曲雖
力盡而邱山轉重幾類愚公之荷鋤乃誠至而金石
爲開直如飛將之飲羽蓋自美諾收復而後士馬皆
騰泊乎勒圍底定以還聲容倍利逆酋索諾木者業
辭堅壘頓困窮途芥羽襜褕定有可封之骨蛛絲挂
罥居無不毀之巢畢呈象罔之形徒據蹲鴟之勢喘

延息假喪膽何之腹敗肢披噬臍莫及徊惶絕地竄
逃之計無門保聚荒山號哭之聲在野加以獸投深
穽爲服不氏之所操雀啅虛倉與褐之夫而空睨固
僅淹於晷刻亦安恃其爪牙臣等仰仗

天威若蒙神助彌謹凜於垂成之際敢驕矜於積勝
之餘漸矛頭以爲炊勢難復下叩囊底而索智致欲
其生倘或望絕灰釘拚無心於天地竟令魂消湯火
甘畢命於巖阿則士師終謂之逃刑而巨惡無由以

正罪遂復多方設間十面合圍烈火鼓於通宵不削
馬陵之樹掣鯨鯢於積浪寧殘鼈令之屍以縱爲擒
姑躊躇於急縛似疎實密聊躑躑於窮鱗今於乾隆
四十一年二月初四日攻克噶喇依逆酋索諾木暨
親屬頭目人等俱面縛軍門檻送京邸無一匿亡者
竊念逆酋等滋擾番疆首尾卅載伏山陬以伺利懷
狙詐以難馴異牟尋之稱兵未均斯惡儂智高之怙
亂尙滅厥部落弗寧神人共憤自絕生成之外誰

違

覆載之中我

皇上厯念偏隅

勤咨部屋發帑金於

內府式峙芻糧選勁旅於羽林一新壁壘間閭安堵

枕席過師士目知方壺漿載路而且攻守殊勢弛張

悉稟

宸衷聲實異宜先後皆關

睿畫故得一勞久逸惟斷乃成歲事適屆乎五年安
邊遂寧夫九姓蓬婆振凱

威宣於坤維井絡之間的博銷鋒

化被在玉壘錦江而外臣等對揚

休命策勵輜材月捷初奏於師中星輶每迴於

天上心驚鳴轂敢稱杕杜之詩志激請纓匪冀先茅

之賞大勝之符一尺彌切鳧歡上台之階三重愈深

蚊負今則洗兵蠻徼偃伯靈臺尙憶投醪沽郛筒之

百斛還思行炙探丙穴之雙魚
菱舍治戎未改丁年之質藁
街待戮聚觀午貫之俘雲閣
圖形常推功於大樹青門屬
目幸底績於析支伏願

道泰金繩

時和玉燭勺資詠止戈之武
梯航集王會之圖踰黑水以
分封長綏疆里越西山而置
堠永鞏屏藩典重龍文勒瓊
珉於奕世神馳

象魏效嵩華於

九天不勝踴躍慶快之至謹奉露布馳奏以

聞